

briter¹ et subditis utiliter promoveri videtur. Verbi gratia: si defuncto infideli aliquo dispensatore aut crudeli defensore, qui, quos defendere debuit, impia et crudeli deprædatione, ut nunc mos est multorum, frequenter opprimere² <solitus>, nec Deum timuit nec hominem vel aliquando reverebatur, aliquis timoratus vir³ ecclesiae illius tam gravi et continue afflictioni compassus, ne rursus in eius tribulationem sub specie⁴ dispensationis aut defensionis similis et par priori in malitia et crudelitate subcederet, qui plebem Christi calamitatibus ante⁵ nimis afflictam iterum atque iterum miserabilibus contusionum plagis attereret, petitionem et pecuniam principi⁶ offerret, ut plebs præmemorata sue dispensationi aut defensionis felicius committeretur, quatenus sic ab oppressione solita velut ab ore leonis sevissimi liberaretur, in quorum pauperum consolatione, in quorum captivorum redemptione pecuniam suam melius locare potuisset, si tantummodo familiam Christi tamdiu graviter excruciatam⁷ respirare contingeret⁸? Et omnis quidem, qui promovetur, mallet, ut estimo, gratis potius quam cum dampno rerum suarum promoveri, sed quoniam hoc tempore neque digni neque indigni gratis promoventur, nec virtuti, nisi quam pecunia magna aut intercessio commendat, honor datur, idcirco studio virtutis quasi infructuoso⁹ et inefficaci postposito, reginae pecuniae studiosius quam honeste invigilatur. Dum enim virtus non attendi nec honesta paupertas subventionem promereri vulgo consideratur, neglecta virtutis honestate divitiis toto nisu incumbitur, que sole in hominibus respiciuntur et honorantur ab his, qui neglectum virtutis iustius abominarentur, quam avariciae fructum et iniquitatis munera amplecterentur. Quoniam autem nonnulli intercessione et gratia aliquorum sine precio forsitan¹⁰ aut dato aut promisso promoventur, qui tamen non minus, quam si¹⁰ premium dedissent, hac promotione ditari et honorari conantur, ut quid¹¹ avaricia et ambitio talium minoris in conspectu Dei reatus sit, pro eo quod dedisse aliquid¹² in hac re convinci non possunt, videre nullo modo possum. Unde nec contrariae sententiae consensum audeo præbere, ut premium¹³ sine culpa ambitio-

1) 'si salubriter per pecunias' corr. 2) 'opprime' corr. 3) 'vir compassus'; 'compassus' später am Rande zu 'afflictioni' nachgetragen.
 4) Ueber der Zeile nachgetragen; hinter 'sub' Rasur. 5) 'antea' corr.
 6) 'principii'; das zweite 'i' nachträglich hinzugefügt. 7) 'rexcruciatam'.
 8) 'vellet (durch Unterpungieren getilgt) contingeret'. 9) 'instructuoso'.
 10) Ueber der Zeile nachgetragen. 11) Am Rande: 'aut quid'.
 12) 'aliquibus' corr. 13) Am Rande nachgetragen.